


Imaqarniliaq
Kommunalbestyrelse – ileqquusumik ataatsimiinneq 03/2019



Imaqarniliaq
Ileqquusumik ataatsimiinneq 03/2019

Ataatsimiinneq Qaqortumi ingerlanneqarpoq
Maajip 22-at 2019 nal. 09.00

OQALUUSERISASSANUT TAKUSSUTISSIAQ:

- Imm. 1. Oqaluuserisassat akuerineqarnerat
- Imm. 2. Borgmesterimit ilisimatitsissutit
- Imm. 3. Aningaasaqarnikkut killiffik
- Imm. 4. Kommunimut akiitsut killiffii
- Imm. 5. Missingersuutitigut nikisitsinissamik / ilassutitut aningaasaliissutinik qinnuteqaatit – Tekniki Avatangiisillu
- Imm. 6. Missingersuutitigut nikisitsinissamik / ilassutitut aningaasaliissutinik qinnuteqaatit – Kulturi, Sunngiffik Pinaveersaartitsinerlu
- Imm. 7. Missingersuutitigut nikisitsinissamik / ilassutitut aningaasaliissutinik qinnuteqaatit – Inuussutissarsiorneq Suliffeqarnerlu
- Imm. 8. Missingersuutitigut nikisitsinissamik / ilassutitut aningaasaliissutinik qinnuteqaatit – Atuarfeqarneq, Meeqqeriveqarneq Nutaaliornerlu
- Imm. 9. Missingersuutitigut nuutsitsinerit ilassutitullu aningaasaliissutinik qinnuteqaatit - Aningaasaqarnermut Ataatsimiititaliaq
- Imm. 10. Kulturimut, sunngiffimmut pinaveersaartitsinermullu ingerlatsivimmi aaqqissugaanermik allannngortitsineq
- Imm. 11. Atorfiit qaffanneqarnissaannik aammalu piffissami killilimmi atorfinitsitsisoqarnissaanik qinnuteqaat
- Imm. 12. Missingersuuteqarfimmi 2020-mi missingersuutit killiliussassatut siunnersuutit
- Imm. 13. 2018-imi ukiumoortumik nalunaarut / naatsorsuutit
- Imm. 14. Kukkunersuisut nalunaarusiaat nr. 31 akissutissatullu siunnersuutit.
- Imm. 15. Attaveqarnermi periusissiaq
- Imm. 16. Qimmeqarnermut qitsuuteqarnermullu ileqqoreqqusanut nutaanut missingiut
- Imm. 17. Nanortalimmi anorisaatit marluk sananeqarnissaat pillugu kommunimut pilersaarummut ilassutip nr. 3-p inaarutaasumik akuerineqarnera
- Imm. 18. Namminersorlutik Oqartussat aammalu Kommune Kujalliup Qallunaatsiaat pillugit saqqummersitsivik pillugu isumaqatigiissutaat Nordboport
- Imm. 19. Sulisunut peqqissutsimut sillimmasiineq
- Imm. 20. Nanortalimmi eqqagassalerivik
- Imm. 21. Ansøgning fra Erhvervs- og arbejdsmarkedsudvalget om tillægsbevilling
- Imm. 22. Taasariallit allat

PEQATAASUT:

Atassut: Bentiaraq Ottosen (oqarasuaatikku)

Inuit Ataqtigiit: Asmus Hansen, Henrik Brummerstedt, Mouritz Karlsen, Naja Lund, Didda Isaksen (Stine Egedemut sinniisoq)

Siumut: Kiista P. Isaksen, Manasse Semsén, Mari S. Abelsen, Karla Egede Bisgaard, Monica Dorph, Benjamin Kielsen, Anders Olsen, Josef Petersen, Ánnásse Kleist Karolussen (Jørgen Wæver Johansenimut sinniisutut)

Peqataannngitsut: Mouritz Karlsen, Stine Egede

Atorfilittat: Pisortaaneq Kim Dahl, pisortaanerup tullia Carsten F. Hansen

Immikkut peqataatitat:

Oqalutsi: Kelly Berthelsen

IMM. 1. OQALUSERISASSAT AKUERINEQARNERAT

Ilaasortat ataatsimiinnissamut peqataasinnaanatik nalunaartut: Anders Olsen, Mouritz Karlsen aamma Stine Egede. Tamanna pequtigalugu sinniisussanik qaaqqusisoqarpoq. Benjamin Kielsen Siumumi gruppeformandinngorsimanini nalunaarutigaa.

Aalajangiineq: Oqaluuserisassat aammalu immikkoortut ilassutit marluk (imm. 20 nutaaq aamma imm. 21 nutaaq) akuerineqarput.

IMM. 2 BORGMESTERIMIT ILISIMATITSISSUTIT

- Ulloq apríilip 25-anni borgmesterip paasivaa "Uran Naamik" akerliussutsimik takutitsinia-rtuq naapinnissaannullu piareersimasimalluni, kommunilli allaffianut takkuttoqanngimmat susoqanngilaq.
- Sakkutuut umiarsuaat "HVIDBJØRNEN" juullimi 2018-imi tikeraarmat isumaqtigiittoqarpoq qatserisartullu ataatsimoorlutik sungiusassasut. Sungiusarnek siulleq Qaortumi apríilip 26-anni ingerlanneqarpoq, kiisalu Narsamut Nanortalimmullu umiarsuaq tikissimaleriarpat assingusunik sungiusoqartoqarnissaanik siunniussisoqarluni.

Imaqarniliaq
Kommunalbestyrelse – ileqquusumik ataatsimiinneq 03/2019

- Ulloq taanna, apriliip 26-anni Amerikap aallartitaqarfianiit pulaartoqarpoq tassanilu kommunip anguniakkani, suliniutini il. il. saqqummiuppai. Ullup sinnera illoqarfimmi mittarfisallu nalaanut angallassinertit pippit. Kiisami Nunaminertat UNESCO-p Nunarsuarminut Kingornutassiaasa allaffiat pulaarneqarpoq.
- Amerikamiut aallartitaat Carla Sands ullumikkut ataatsimeeqatiginerani ineriartortitsineri suliniutit allarpassuillu saqqummiunneqarput. Juulimi kujataanut tikeraarnissaa isumaqatigiissutigineqarpoq.
- 29. Apriliimi nunaqarfinni aqutsisut siuilersuisui sulisullu arlallit Qaqortumi naapippit, imaqarniliorneq tiguneqareerpat nassiunneqarumaarpoq.
- 30. Aprili: Kalaallit Airports-imi pisortap Peter Wistoftip naapeqatiginera kiisalu unnukkuanani Kalaallit Airports unnukkuanani Campus Kujallermi innuttaasunut ataatsimiititsineq. Aggustip 21-anni entreprenørit piumasaqaatinut naammassinnereersut Qaqortumut tikeraassapput, tassanilu kommune aamma peqataassaaq saqqummiillunilu il. il.
- 1. Maaji: Sulisartut ulluat; katersortarfimmi pikialaartitsisoqarnerani peqataaneq, tassani QSIP-ip siulittaasuata oqalugiarnerani ilaatigut kommunip utoqqarnut tunngasunik sipaarniarneranut taakkartuisumut borgmesteri akissuteqarluni oqaaseqarpoq.
- 2. Maaji: GrønlandsBANKENip inuussutissarsiteqarnermut immikkoortoqarfiata ataatsimeeqatiginerani sanaartornissamut pilersaarutit il. il. eqqartorneqarput. Atorfimmut atatilugu inissanik sanaartornissamut 30 mio. koruuninik taarsigassarsinissamut periarfissat eqqartorneqarput, kingornalu aningaaserivimmit akuerineqarlutik.
- 6. Maaji: IF-ip Qaqortumi Narsamilu tikeraarnerani ataatsimeeqatigineqarpoq. Meeqqerivimmi Aqqalumi aqutsisup, Bibi Kielsenip pinaveersaartitsinermik iliuseqarneranik nersualaagassarujussuuvoq, tassami ikuallattoqassagaluarpit meeqqat sulisullu qimagussortinnissaannut sungiusaatitsimmat. Tamanna meeqqerivinni allani aamma ingerlanneqarnissaa ajunngissagaluaqaaq.
- 9. Maaji: Borgmesterit allat ataatsimeeqatigineri, siusinnerusukkullu Naalakkersuisut Karl Frederik Danielsen aamma Martha Abelsen ataatsimoorlutik allagaat eqqartorneqarluni kommunilu tassunga akissuteqarneranut tunngatillugit ataatsimeeqatigiittoqarpoq. Atorfilitat suleqatigineri annertusarnissaat isumaqatigiissutigineqarpoq aamma pinaveersaartitsinermut suliniutit, kiisalu sanaartornermut tunngasut aqqissuulluarneqarnerunissaat isumaqatigiissutigineqarlutik.
Borgmesterip Karl Frederik Danielsenimut tikkuarpaa Narsarsuup siunissaa pillugu suleqatigiissitat kaammattuutaat suli utaqqigivut, politikkikkummi aqutsisoqatigiit ataatsimiinneri taamani inuussutissarsiornermut naalakkersuisuusup Aqqalu Jerimiassenip noqqaasuteqarneratigut qasseeriarluni kinguartinneqartarsimapput.
- Ulloq taanna (maajip qulingiluaanni) naalakkersuisoq Ane Lone Bagger ataatsimeeqatigineqarpoq ilinniartitaanermullu iluarsaaqqinneq borgmesterinut tamanut atorfilittanullu saqqummiunneqarpoq. Pisoq iluatsillugu Kujallermi ilinniartitsisut ataatsimoorlutik isumasioqatigiinnerat aggustip 5-anni 6-annilu pisussamut naalakkersuisoqarfik qaaqquneqarpoq. (kommunalbestyrelsip septembarimi sammisaqarfia)
- Maajip qulingat: Politikkikkut aqutsisoqatigiit ataatsimiinnerat. Ataatsimiinnerup siulianit imaqarniliaq kommunalbestyrelsimi ilaasortanut nassiussorneqassaaq.
- Tusagassiortoq Hans Bak "Greenland"-imeersoq ataatsimeeqatigineqassaaq, Qaqortumi juunip 18-iata 25-iatalu akornanni ataatsimeeqatiginissaanik isumaqatigiissuteqarfineqarpoq.
- 13. Maaji: Naalakkersuisoq Ane Lone Bagger ataatsimeeqatigineqarpoq tassanilu højskole sanaartorfiup, NI-mi siuilersuisut katitigaanissaat, kujataani Aatsitassalerinermik Ilinniarfiup immikkoortoqalernissaanik periarfissap, multihallinik pilersitsinerup il. il. sumut killinneri pillugit eqqartueqatigiittoqarluni. Ukioq manna Qaqortumi ilinniartut inigissassaasa pilersaa-

rusiorneqarneri aallarnisarneqassapput, siullermeerluni sanaartorneq (ineqqat 100-t) 2020-mi aallarnerneqarnissaat naatsorsuutigineqarpoq. Aappaattut sanaartornissaq sulii aalajangiivigineqanngilaq.

- 2018-imi akilersugassanngorlugit attartornissamut isumaqatigiissutit, 2019-imullu pilersaarutaasut Namminersorlutik Oqartussanit maanna akuerineqarput, taamaammat Qaortumi qamutiniq majuartarfittalinnik Narsamullu upalungaarsimanermut aqutsisumut biiliniq isumaqatigiisiortoqarsinnaassaaq.
- Mittarfissap aqqusinniornissaanut ingerlariaqqinnissaq pillugu qinnuteqaat maajip 9-anni Naalakkersuisumut Karl Frederik Danielsenimut tunniunneqarpoq.
- Kommunalbestyrelse ippassaammagu allaanerulaartumik sammisaqarpoq, ullullu ingerlanerani siunnersuusiornissamut oqaasilerinermullu tunngasunik saqqummiivigineqarluni. Tamatuma kingorna Great Greenlandimut pulaarneq pivoq. Suleqatigiillualernissamut sammisaqatigiinnermik ulloq naggaserneqarpoq, tassani kommunalbestyrelsimi ilaasortat ninggitaapput.

Aalajangerneq: Tusaatissatut tiguneqarpoq. Kommunalbestyrelsimi ilaasortat siunnersuutaat sumut killissimanersut siunissami paasissutissiissutigineqartarnissaat kissaatigineqarpoq.

IMM. 3. ANINGAASAQARNIKKUT KILLIFFIK

2019-imi apriili ilanngullugu naatsorsuutit killiffii.

Maajip aappaannit 2019-imit Kommune Kujallermi naatsorsuutit killiffii.

Inatsisitigut tunngavii: Missingersuutininut Naatsorsuutinullu inatsimmi § 41 naapertorlugu

Aningaasartai: Ilanngussami nassuiarneqartutut ipput.

Pisortaanerit inassuteqaataat: Aningaasaqarneq pillugu saqqummiussa qusaatissatut tiguneqassa-soq.

Aningaasaqarnermut Pilersarusiornermullu Ataatsimiititaliap (APA-p) aalajangernera 07/2019: Tusaatissatut tiguneqarpoq.

Aalajangerneq: Tusaatissatut tiguneqarpoq.

IMM. 4 KOMMUNIMUT AKIITSUT KILLIFFII

07.05.2019-imi kommunip pisassaasa tamarmiusut ilisimatitsissutigineqarnerat kiisalu

- pisortat suliffeqarfiutaanni akiitsoqarnerpaat qulit
- qaammammusialinnit akunnermusialinnillu pisassat
- qinikkanit aningaasat pisassat (akiitsoqartoqanngilaq)

Inatsisitigut tunngavii: Missingersuutininut Naatsorsuutinullu inatsimmi § 41 naapertorlugu

Aningaasatigut kingunerisinnaasai:

Pisortaanerit inassuteqaataat: Tusaatissatut tiguneqassasoq.

APA-p aalajangerera 07/2019 : Tusaatissatut tiguneqarpoq.

Aalajangerneq: Tusaatissatut tiguneqarpoq.

IMM. 5. MISSINGERSUUTINIK NUUTSITSINEQ/ILASSUTITUT ANINGAASALIIS-SUTINUT QINNUTEQAATIT – Teknikkimut Avatangiisinullu Ataatsimiititaliaq

Missingersuutitigut nikisitsinissamik / ilassutitut aningaasaliissutinik ataatsimiititaliamit qinnuteqaat

A - Teknikkimut Avatangiisinullu Ataatsimiititaliaq – ilassutitut aningaasaliissutinik qinnuteqaat – 1. mio. kr. /Bus.

Bussinik nutaanik pisiniarneq -Bussit, Qaqortoq

Suliap saqqummiunneqarnera: Kommunip bussii tungujortut assigiinngitsunik pissuteqartunik normuerneqarsimmammata aammalu bussit sungaartut aserorsimmammata, kiisalu ajoqutaasa amigaa-taasalu paasiniarnissaannut qarasaasiaq amigaatigineqarmat. Kisiannili qaqugukku ingerlaqqilis-sanersut nalunaqaaq? Tamanna peqqutigalugu Qaqortumi bussertitsineq unitsinneqarpoq.

Tamanna aamma peqqutigalugu ingerlatsivik naliliisimavoq piaartumillu illoqarfiup bussissaanik pisisoqarnissaa innersuussutigalugu, peqqutigalugu inuppassuit bussit atortarmatigit.

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- Illoqarfiup bussissaanik nutaanik pisinissamik qinnuteqaat akuerineqassasoq.
- Illassutitut aningaasaliissutissat 1.000.000 koruuniusut pisinissamut, assartuinnermut nalunaarsukkanullu ilanngunneqarmut atugassat aningaasaliissutigineqassasut.
- Aningaasaqarnermut Ataatsimiititaliamut tamanna ingerlateqqinneqassasoq, malitsigisaan-illu inaarutaasumik kommunalbestyrelsimi akuerineqarluni.

Inatsisitigut tunngavigisaq: Kommunip piginnaatsitsinera

Aaqqiissutissatut siunnersuut – suliatigut naliliineq

Qulaani innersuussutigineqartut tunngavigalugit Teknikkimut Avatangiisinullu Ingerlatsiviup inner-suusutigaa bussinik nutaanik pisinissamut ilassutitut aningaasaliissutissat akuerineqassasut.

Maannakkut bussit assigiinngitsut nalilersorneqarput ingerlatsinermullu immikkoortortaqarfiup in-nersuussutigaa Iverco MOBICITY 1350, Kangerlussuarmi aamma atorneqartut. Bussit aammattaq innarluutilinnut utoqqarnullu tulluarsagaapput.

Piffissaq ungasinnerusooq eqqarsaatigalugu nutaamik pisinissaq imminut akilersinnaavoq, taamaaliornikkullu iluarsaassinissanut aningaasartuutaajumaartussanut assigisaannullu sipaarfiungaatsiassalluni.

Aningaasaqarnikkut sulisoqarnikkullu naliliinerit

Ingerlatsiviup nalilerpaa bussinik nutaanik **1.000.000 koruuninik nalilinnik pisinissaq aningaasaqarnikkut kommunimut iluaqutaassasoq, taamaaliornikkullu kingusinnerusukkut ingerlatsinermut iluarsaassinernullu aningaasartuuterpassuit sipaarnissaannut periarfissaqalissalluni.** Qaqortumilu bussit ingerlaqqilernissaat.

Ilassutitut aningaasaliissutit kommunip karsianiit pissarsiarineqassapput.

Aningaasaqarnermut ingerlatsivimmiit pisortaanerniillu oqaaseqaatit: soqanngilaq

TEKNIKKIMUT ATAATSIMIITITALIAP AALAJANGINERA: Inassuteqaat akuersissutigineqarpoq, bussinik nutaanik pisiniartoqassaaq, IVECO MOBILITY 1350

Inatsisitigut tunngavigisaq: : Missingersuusiortarnermut naatsorsuusiortarnermullu inatsimmi § 23.

Aningaasartai: - Teknikkimut Ataatsimiititaliap qinnuteqaataa A - qinnuteqaat karsimiittuuteqarnermut ilungersunartorsiortitsisussaavoq aammalu Kommunalbestyrelsimut ingerlateqqinneqartariaqarluni / -sinnaalluni.

Pisortaanerit inassuteqaataat: 2019-imi missingersuutit iluanni aningaasanik Teknikkimut ataatsimiititaliaq ilungersorluni nassaarniassappat qinnuteqaat akuerineqassaaq.

APA-p 07/2019 aalajangernera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

Aalajangerneq: Akuerineqarpoq, tassunga ilassutigalugu Inuit Ataqtigiit Siumullu Narsami Nanortalimmilu bussit ingerlanneqarsinnaaneranut periarfissat suunerinik misissuisoqassasoq kissaatigaat.

IMM. 6. MISSINGERSUUTITIGUT NIKISITSINISSAMIK / ILASSUTITUT ANINGAASALIISSUTINIK QINNUTEQAATIT – Kulturi, Sunngiffik Pinaveersaartitsinerlu

Missingersuutitigut nikisitsinissamik / ilassutitut aningaasaliissutinik ataatsimiititaliamit qinnuteqaat

A – Narsami Katersugaasivik ilassutitut aningaasaliissutinik qinnuteqaateqarpoq kr. 369.000,-

Narsami B-58-ip immikkut aningaasaliiffigineqarnissaanik qinnuteqaat. Illup ilusilersugaanera soqutigintuuvooq 1913-ip 1919-illu akornanni sanaasimalluni. Illu annaanneqassappat piaartumik iliuuseqartoqartariaqarpoq.

B – Pinaveersaartitsisoqarfimmiit ilassutitut aningaasaliissutinik qinnuteqaatit kr. 1.626.000,-

Pinaveersaartitsinerlut immikkoortortamiit ilassutitut aningaasaliissutinik qinnuteqaatit – **pinaveersaartitsinerlu immikkoortoqarfiup nutaap aaqqissugaanerannullu aningaasaqarnermi ataatsimiititaliamut ilisimatitsissut.**

Inatsisitigut tunngavigisaq: : Missingersuusiortarnermut naatsorsuusiortarnermullu inatsimmi § 23.

Aningaasartai: - Kulturi, Sunngiffik Pinaveersaartitsinerlu - qinnuteqaat karsimiittuuteqarnermut ilungersunartorsioertissussaavoq aammalu Kommunalbestyrelsimut ingerlateqqinneqartariaqarluni.

Pisortaanerit inassuteqaataat:

Pisortaanerit inassuteqaataat: inassuteqaat - A - Katersugaasivik, tassani Illuutinik nutarterinerlut / Teknikkeqarfiup aserfallatsaaliissassanik nalunaarsugaani missingersuutitigut aningaasat nassaarini-arneqarsinnaanersut misissorneqassaaq - Teknikkimut Ataatsimiititaliaq

B - 2019-imut missingersuutini qinnuteqaatip itigartinneqarnissaa inassutigineqarpoq, qinnuteqaatilli 2020-mut missingersuutinit ilanngunneqarnissaa sulissutigineqassaaq.

APA 07/2019 aalajangiineq: Pisortaanerit inassuteqaataat akuerineqarpoq. Pinaveersaartitsinerlut sulisut taakkulu akissarsiassaannut aningaasaliissutit isumaginnittoqarfimmi akissarsiassanut aningaasaliissutinit atorneqarsimangitsunit matussuserneqarnissaat naatsorsuutigineqarpoq, pilersaarutinullu aningaasaliissutit aaqqissuussaanerlut aningaasaliissutinit matussuserneqarnissaat qinnutigineqarsinnaasoq.

Aalajangiineq: Aningaasaqarnerlut ataatsimiititaliap innersuussutaa akuerineqarpoq.

IMM. 7. MISSINGERSUUTITIGUT NIKISITSINISSAMIK / ILASSUTITUT ANINGAASALIISSUTINIK QINNUTEQAATIT - Inuussutissarsiorneq Suliffeqarnerlu

Missingersuutitigut nikisitsinissamik / ilassutitut aningaasaliissutinik ataatsimiititaliamut qinnuteqaat

A – Inuussutissarsiorneq suliffeqarnerlu aningaasanik utertitsineq (immikkut ittumik utertitsineq) kr. -757.512,00

Decembarip ulluisa 28-anni 2018 Kommune Kujallermi borgmesteri Aatsitassanut Suliffeqarnermullu Naalakkersuisoq peqatigalugu Majoriap 2019-imi ingerlannissaanut angusaqarnissamut isumaqatigiissusiorput, isumaqatigiissummi Majoriaq Kujallermi tapiissutit ukuussapput:

Imaqarniliaq
Kommunalbestyrelse – ileqquusumik ataatsimiinneq 03/2019

Majoriamut tunngatillugu tamakkiisumik tapiissutit Innuttaasut sulisinnaasut ilinniagaqarnissamut piareersarnissaannut aamma sulinissaannut piareersarnissaannut tunngasut 2019

Tabeli 1	Tapiissutit		Atuartut
	<i>koruunit</i>	<i>Akiliutinit utertitsineq</i>	<i>amerlassusii</i>
Nanortalik	1.405.446		47
Narsaq	1.354.799		40
Qaqortoq	1.912.855		43
Suliffeqarneq pillugu siunnersortit	1.480.000	x	
A. Sannaviit	1.941.412	x	24
B. Atuagarsornerunngitsoq*	660.000	x	6
C. Nunaqarfinni siunnersuinerit	120.000	x	
VM-ilitersuisut	755.000	x	
Katillugit	9.629.512		160

2018-imi Majoriaq Kujallermi ingerlatsinissamut tapiissutigineqartut katillugit 8.902.020 koruuniupput, 2019-imullu angusaqarnissamut isumaqatigiisiornermi ingerlatsinissamut tapiissutit 607.473 koruuniusut pitsanngoriaataasimapput.

Inatsisitigut tunngavigisaq: : Missingersuusiortarnermut naatsorsuusiortarnermullu inatsimmi § 23.

Aningaasartai: - Inuussutissarsiorneq Suliffeqarnerlu – qinnuteqaat karsimiittuuteqarnikkut **ilungersunartorsiortitsinngilaq** Kommunalbestyrelsimullu ingerlateqqinneqassalluni.

Pisortaanerit inassuteqaataat: Qinnuteqaat akuerineqassasoq inassutigineqarpoq 2019-imut missingersuutini tamarmiusuni ilungersunartorsiortitsisussaanginnera pissutigalugu.

APA-p 7/2019 aalajangenera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

Aalajangiineq: Akuersissutigineqarpoq.

IMM. 8 MISSINGERSUUTITIGUT NIKISITSINISSAMIK / ILASSUTITUT ANINGAASALIISSUTINIK QINNUTEQAATIT Atuarfeqarneq, Meeqqeriviit & Nutaaliorneq:

Missingersuutitigut nikisitsinissamik / ilassutitut aningaasaliissutinik ataatsimiititaliamit qinnuteqaat

A – Atuarfeqarnermut, Meeqqeriveqarnermut Nutaaliornermullu Ataatsimiititaliaq kr. 0,00-inik nikisitsinissamik qinnuteqarpoq

Akissarsianut aningaasaliissutinik nikisitsineq akissarsianut konto 5121000110-miit avataaniit sulilneqarnermut konto 5121001200-mut

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 23.

Aningaasartai: - Atuarfeqarnermut, Meeqqeriveqarnermut Nutaaliornermullu Ataatsimiititaliaq – qinnuteqaat karsimiittuuteqarnikkut **ilungersunartorsiortitsinngilaq** Kommunalbestyrelsimullu ingerlateqqinneqassalluni akissarsianut / sulisut amerlassusiligaaneritut tunngasuuini pissutigalugu.

Pisortaanerit inassuteqaataat: Akuerineqassasoq inassutigineqarpoq.

APA-p 07/2019 aalajangenera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

Aalajangiineq: Akuersissutigineqarpoq.

IMM. 9. MISSINGERSUUTITIGUT NIKISITSINISSAMIK / ILASSUTITUT AN-INGAASALIISSUTINIK QINNUTEQAATIT – Aningaasaqarnermut Ataatsimiititaq

Aningaasaqarnermut Ataatsimiititaliaq – ilassutitut aningaasaliissutinik qinnuteqaatit kr. 375.000,- (illoqarfiit pingasut à kr. 125.000,-)

I 2019-imi februaarip qaammataani borgmesteri aamma Carsten F. Hansen Danmarkimiipput pilersaarusiatsinnut taperneqarsinnaaneq siunertaralugu ukiunullu tulliuuttunut periusissiarput ilisaritinniarlugu Danmarkimi aningaasaateqarfiit pulaarpat.

Lokale & Anlægsfondenip aamma OAK Foundationip ataatsimeeqatiginerani isumaqatigiippugut "Timersortarfitta nutarternissaat" pillugu pilersaarusiap suliniutiginiarnera ingerlateqqinniarlutigu. Lokale & Anlægsfonden ingerlaannaq nalunaarpoq pilersaarusiap pingajorarterutaa, tassalu pilersaarusiorneqarnera aningaasalersorneqarneralu, peqataaffiiniarlugu.

OAK Foundation nalunaarpoq immaqa peqataasinnaallutik. Arnar ataatsimeeqatigineqartup angerlaruni siulersuisut aperissallugit nalunaarpoq. Aallaqqaammut Qaqortumi multihallip eqqorneqarnerpaap pilersaarsiorfigineqarneranut **kr. 125.000,00** koruunit qinnuteqaatigineqarput.

Sapaatip akunnerani 20-mi Nuummi Naalackersuisunik ataatsimeeqateqarnitsinni pilersaarusiap pingajorarterutaanut tapiissutissanik qinnuteqaateqarpugut.

Pilersaarusioreernerup kingorna pilersaarusianut assigiinngitsunut piffissap pilersaarusiornera pivisorsortoq aqqissorneqassaaq. Taamaattorli maannakkut ilisimaaraarput Qaqortumi timersortarfik aallarniutigissallugu.

Aningaasaateqarfinnut saqqummiussarput akkissatut ilanngupparput.

Inatsisitigut tunngavigisaq: : Missingersuusiortarnermut naatsorsuusiortarnermullu inatsimmi § 23.

Aningaasartai: - Ilassutitut aningaasaliissutit Kommunalbestyrelsimut ingerlateqqinneqassapput qinnuteqaat naatsorsuutit inernerinik allannguisussaammat aningaasat killiliussanit atuuttunit matussusigaannginnerat pissutigalugu.

Pisortaanerit inassuteqaataat: aningaasaliiffigineqassasoq inassutigineqarpoq, kisiannili aningaasat 2019 / 2020-mi nammineq missingersuutit iluanni nassaariniarneqassapput.

APA-p 07/2019 aalajangenera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

Aalajangiineq: Akuersissutigineqarpoq.

IMM 10 KULTURIMUT, SUNNGIFFIMMUT PINAVEERSAARTITSINERMULLU INGERLATSIVIMMI AAQOISSUGAANERMIK ALLANNGORTITSINEQ

Kulturimut, Sunngiffimmut Pinaveersaartitsinermullu Ingerlatsivik ullumikkut imatut aqqissugaa-voq sulisut arfineq-pingasut toqqaannartumik ingerlatsiviup pisortaata ataani inissisimallutik. Tamatuma kinguneraa ingerlatsiviup pisortaata piffissami annersaa sulisut ulluinnarni allaffissor-nikkut pisariaqartitaannik isumaginnittariaqartarnera ikiuissariaqartarneralu, assersuutigalugu: akissarsianik nalunaarsuineq, bilitsinik inniminniineq, ullormuisanik naatsorsuinerit, winformatikki aqqutigalugu innersuussinerit, susassaqarfinni ataasiakkaani saaffiginnissuteqqat piffissamik pi-sariaqartitsisut; ilanngussami takussutissiami ilanngunneqartumi allannguutissatut siunnersuutit atuarneqarsinnaapput.

Inatsisitigut tunngavigisaq: Kommunimut pisinnaatitsissut

Aningaasartai: Aningaasartuutinut allannguutaanngitsoq.

Pisortaanerit inassuteqaataat: Akuerineqassasoq inassutigineqarpoq.

APA 06/2019 aalajangiineq: Akuerineqarpoq, piumasaqaataallunili allannguut aningaasartuute-qarfiussanngitsoq.

Aalajangiineq: Akuersissutigineqarpoq.

IMM. 11 ATORFIUP QAFFANNEQARNISSAANIK AAMMALU PIFFISSAMI KILLI-LIMMI ATORFINITSITSISOQARNISSAANIK QINNUTEQAAT

Qarasaasialerinerimut siunnersortip immikkoortortami aqutsisutut qaffanneqarnissaannik Atuarfeqarnermut, Meeqqeriveqarnermut Nutaaliornermullu Ataatsimiititaliaq qinnuteqaateqarpoq atuarfinni iPadilerisut namminerisaminnik immikkoortortami aqutsisoqalerniassammata.

Ilinniartitsisussaaleqineq pissutigalugu Nanortallip Atuarfiani ilinniartitsisunik piffissami killilimmi immikkut ittumik atorfinitsisoqarnissaanik Atuarfeqarnermut, Meeqqeriveqarnermut Nutaaliornermullu Ataatsimiititaliaq qinnuteqarpoq.

Inatsisitigut tunngavigineqartut: imm 1. eqqarsaatigalugu kommunimut piginnaatitsissut atuuppoq, taavalu imm. 2 eqqarsaatigalugu Piffissami killimmi atorfinitsitsisarneq pillugu Naalakkersuisut aammalu IMAK-ip isumaqatigiissutaat 16. februar 2007-imeersoq.

Aningaasatigut kingunissai: Ukiumi missingersuusiorfiusumi matumani aningaasartuutit amerlisutissaat ingerlatsiviup maanna missingersuutaatigut matussuserneqarsinnaassasut naatsorsuutigineqarpoq.

Pisortaanerit inassuteqaataat: Akuerineqassasoq inassutigineqarpoq.

Aningaasaqarnermut Ataatsimiititaliamit akuerineqarpoq inaarutaasumillu akuerisassanngorlugu kommunalbestyrelsimut ingerlateqqinneqarluni.

Aalajangiineq: Akuersissutigineqarpoq.

IMM. 10. UKIUMI MISSINGERSUUSIORFIUSUMI 2019-IMI UKIUNILU MISSINGERSUUSIORALLARFIUSUNI MISSINGERSUUTIT TAMARMIUSUT ANINGAASARTAANNUT SIUNNERSUUTIT

2020-mut missingersuusiorneq aallarnersinnaajumallugu aalajangiinissat missingiusiorneqarput, taamalu missingiut tulliiuttooq saqqummiunneqarpoq:

- 2020-mut missingersuutit tamarmiusut aningaasartaannut missingiutit
- 2020-mut missingersuusiornermi pilersaarutissatut missingiut -

2020-mi sulisut amerlassuligaanerat 2020-mi missingersuutininut killiussassamut suliarineqartumut ilanngunneqassaaq.

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 20.

Aningaasartai: 2020-mut kommunip missingersuutaanut tunngasoq

Pisortaanerit inassuteqaataat: Kaammattuutigineqarpoq missingiutit saqqummiunneqartut akuerineqassasut, kiisalu suliareqqitassanngorlugit kommunalbestyrelsimut ingerlateqqinneqassasut.

APA-p 07/2019 aalajangenera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

Aalajangiineq: Akuerineqarpoq, kommunalbestyrelsip akuersissutigineqartoq ataatsimiititalianut suliaqarfiusunut suliasanngorlugu ingerlateqqissavaa.

IMM. 13 2018-MUT UKIUMOORTUMIK NALUNAARUT / NAATSORSUUTIT.

2018-imut naatsorsuutit siusinnerusukkut Aningaasaqarnermut ataatsimiititaliap 06/2019 ataatsimiinnerani akuerineqareerput - ukiumoortumik nalunaarut ilisimatitsissutitut ilanngunneqaproq Kommunalbestyrelsillu ataatsimiinnissaanut inaarutaasumik akuerisassanngorlugu ilanngunneqassalluni.

Inatsisit: Missingersuusiortarnermut naatsorsuusiortarnermullu inatsimmi § 42.

Aningaasaqarneq: Matuma siuliani nassuiarneqartutut.

Pisortaanerit inassuteqaataat: Suliaq ilisimatitsissutigineqartoq - akuerineqarnissaa inassutigineqarpoq.

APA-p 07/2019 aalajangenera: Akuerineqarnissaa kaammattuutigalugu kommunalbestyrelsimut ingerlateqqinneqassaaq.

Aalajangiineq: Akuerineqarpoq, kommunalbestyrelsip 2018-imi ukiumut nalunaarusiornerit / naatsorsuutit kukkunersiugassanngorlugit nassiussavai.

IMM. 14 KUKKUNERSIUISUT NALUNAARUSIAAT NR. 31 AKISSUTISSATULLU SIUNNERSUUTIT

Nalunaarut nr. 3 kiisalu nalunaarummut akissutissatut siunnersuut.

2018-imi decembarip 31-iata tungaanut ingerlaavartumik kukkunersiuisarneq - 2018-imi naatsorsuutit pillugit nalunaarutit ilaat
Qupperneq 381-388

Inatsisitigut tunngavigisaq: Missingersuusiortarnermut naatsorsuusiortarnermullu inatsimmi § 43

Aningaasatigut kingunissai: Soqanngilaq.

Pisortaanerit inassuteqaataat: kommunalbestyrelsimut innersuussutitalerlugu ingerlateqqinneqassasoq.

APA 07/2019 aalajangiineq: Akuerineqarnissaa kaammattuutigalugu kommunalbestyrelsimut ingerlateqqinneqassaaq, peqqutigalugu Aningaasaqarnermut Ataatsimiititaliap maluginiassagaa nalunaarut siusinnerusukkut nalunaarutininut sanilliullugu pitsanngoriaateqartuaannassasoq, kisannili pitsanngoriaateqarnissamut periarfissaqartuaannartoq, tamatuminngalu angusaqarniarneq ingerlaanassasoq.

Aalajangiineq: Akuersissutigineqarpoq.

IMM. 13. ATTAVEQARNERMI PERIUSISSIAQ

Kommunip attaveqarnermut periusissaatut siunnersuut nutaaq allaffeqarfimmiit saqqummiunneqarpoq, tassuuna kommunip iluani avataanullu paasissutissiisarneq nukittorsarniarneqarpoq.
Missingiut ingerlatsivinnut tamanut tusarniutigineqassaaq.

Inatsisitigut tunngavik: Kommunip piginnaatitsinera.

Aningaasartai: Missingersuutineereerput.

Pisortaanerit inassuteqaataat: Akuerineqassasoq inassutigineqarpoq.

APA 07/2019 aalajangiineq: Akuerineqarnissaa kaammattuutigalugu kommunalbestyrelsimut ingerlateqqinneqassaaq, kommunalbestyrelsimi aalajangiivigineqartunut tunngatillugu sulianik aqutsisoqarfinni qanoq attaveqaqatigiittoqartassanersoq immikkoortortamik ilanngussisoqassammat.

Aalajangiineq: Akuersissutigineqarpoq.

Imm. 16. QIMMEQARNERMUT QITSUUTEQARNERMULLU ILEQQOREQQUSANUT NUTAANUT MISSINGIUT

Suliap saqqummiunneqarnera

Teknikkimut Avatangiisinullu Ingerlatsivik qimmeqarnermut qitsuuteqarnermullu nutaamik missingiusiorpoq.

Ileqqoreqqusanut missingiut Namminersorlutik Oqartussani inatsisilerinikkut misissorneqarpoq, maannalu ammasumik tusarniutigineqannginnermini Teknikkimut Avatangiisinullu Ataatsimiititaliamit, Aningaasaqarnermut Ataatsimiititaliamit kiisalu Kommune Ataatsimiititaliaanit akuerineqarnissaminut piareerpoq.

Ileqqoreqqusat atuuttut allannguutaat uku erseqqissarneqarsinnaapput:

- kommune qimmeqarnermut qitsuuteqarnermullu akuersisarunnaarpoq, nalunaarsorneqartar-nissaalli piumasaqaatigalugu
- ileqqoreqqusani qimminik qitsunnillu kinguaassior-titsinissamut periarfissiisoqarpoq
- ileqqoreqqusani piumasaqaatigineqarpoq qimmit qitsuillu angutivissat arnavissallu nakor-saatit imaluunniit pilatsinneq aqutigalugit kinguaassiorsinnaajunnaartinneqartassasut
- qimmeq inunnet avatangiisinulluunniit ulorianartutut nalilerneqarpat kommune immikkut piumasaqaateqarsinnaatitaavoq
- qimmit tiguneqartut piginnittuisa akunnerit 72-it ingerlanneranni inuttarsineqanngippata to-qunneqarsinnaapput imaluunniit soqutigineqar-pata tunineqarsinnaallutik

Teknikkimut Avatangiisinullu Ingerlatsivimmiit Teknikkimut Avatangiisinullu Ataatsimiititaliamut inassutigineqarpoq:

- Kommune Kujallermi 2019-imi qimmeqarnermut qitsuuteqarnermullu ileqqoreqqusanut missingiut ataatsimiititaliamit akuerineqassasoq
- ileqqoreqqusanut missingiutip aningaasaqarnermut ataatsimiititaliamut aammalu kommunip ataatsimiititaliaanut ingerlateqqinneqassasoq
- ileqqoreqqusanut missingiutip sapaatit akunnerini arfinilinni avammut tusarniaavigineqas-sasoq

Inatsisitigut tunngavik: Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq

TEKNIKKIMUT ATAATSIMIITITALIAP AALAJANGERNERA:
tusarniaanermisaaq savaatqarfiit ilanngunneqassapput.

Akuerineqarpoq -

Piffissaq tusarniaaviusussaq sapaatit akunnerinik marlunnik ilallugu katillugit sapaatit akunnerinut arfineq pingasunut sivitsorneqassaaq.

Pilattaanikkut kinguaassiorsinnaajunnaarsitsineq - nakor-
saatit atornagit?

Pisortaanerit inassuteqaataat: Tusaatissatut tiguneqassasoq.

APA 07/2019 aalajangiineq: Akuerineqarnissaa kaammattuutigalugu kommunalbestyrelsimut ingerlateqqinneqassaaq, malitsigisaanik tulluarsarlugu ilanngunneqassaaq: Pilatsinneq aqutugalugu kinguaassiorsinnaajunnaartitsisarnerit periarfissaatillugu atorneqartassasut siunnersuutigineqarpoq, pissutigalugu nakorsaatit atorlugit kinguaassior-titsisinnaajunnaarnermi iluatsinngitsoorsinnaasarmat. Savaateqarfinni, tuttuuteqarfinni nersutaateqarfinnilu qimmiuteqarnermut immikkut aalajangiisoqartariaqarpoq. Qimmit tamaasa chippinik ikkussivigineqassapput. Tuniniaanissamut periarfissat § 21-mi imm. 2-miittoq atuutinneqassanngilaq.

Aalajangiineq: Akuersissutigineqarpoq.

IMM. 17. NANORTALIMMI ANORISAATIT MARLUK SANANEQARNISSAAT PIL-LUGU KOMMUNIMUT PILERSAARUMMUT ILASSUTIP NR. 3-P INAARUTAASUMIK AKUERSISSUTIGINEQARNERA

Tunuliaqutaq

Kommunimut pilersaarummut ilassutip nr. 3-p suliarineqarneranut pissutaasoq tassaavoq Nanortalimmi sumiiffimmi 100-E6-imi anorisaatinik marlunnik sananissamut akuersissummik Nukissiorfiit qinnuteqarnerat. Nunaminertamik atugassanngortitsisoqartinnagu sanaartormullu akuersisoqartinnagu tamatuma atorneqarnissaa pillugu Kommunimut pilersaarummut ilassusiornikkut erseqqinnerusumik aalajangersagaliortoqartussaavoq.

Nanortalimmi anorisaatit sananeqarsinnaanngornissaat siunertaralugu Kommunimut pilersaarummut ilassut manna suliarineqarpoq. Nanortalimmi aamma avatangiisinut mingunngitsumik atavartumillu nukissiornermut peqataanissaq Kommunimut pilersaarummut ilassusiornikkut siunertarineqarpoq.

Inatsitigut tunngavik:

Pilersaarusiorneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-meersoq, kingusinnerusukkat allannguutilik naapertorlugit kommunip pilersaarusiortifigineqarneranut tapiliussaq suliarineqarpoq.

Pissutsit atuuttut

2017-imiit 2028-mut Kommunimi pilersaarummi illoqarfiup ilaa tamanna 100-E6 (Nanortallip kangiata tungaa) inuussutissarsiorfissatut immikkoortitaavoq. Illoqarfiup ilaa tamanna Kommunimut pilersaarummi marlunnik anorisaasiorfissatut immikkoortitaavoq. Ulluinnarni tamanna 'eqqartarfittut' taagorneqarpoq annermillu teknikkikkut atortoqarfiulluni, soorlu eqqartarfimmi atortut, qaartiterutissaasivik, nalunaarasuarnermi atorutt aammalu anorimik uuttortaaviit. Aammattaaq tamanna Qatserisartut sungiusartarfiattut atorneqartarpoq.

Imaqarniliaq
Kommunalbestyrelse – ileqquusumik ataatsimiinneq 03/2019

Kommunimut pilersaarummi oqaatigineqarpoq B-1213 tamaani ittoq aammalu illu tamatumalu kujammut kangimullu eqqaa Qatserisartut sungiusarneranni atorineqartartoq.

Kommunimut pilersaarut marsimi akuerineqaqqaarnerminiit sapaatit akunnerini 8-ni marsip 29-anniit maajip 10-annut 2019 tamanut tusarniaassutigineqarpoq.

Tusarniaanerup ingerlanerani oqaaseqaatinik sisamanik kommune tigusaqarpoq:

1. 2.4.19 Peqqissutsimut Naalackersuisoqarfik

"Peqqissutsimut Naalackersuisoqarfimmiit tamatumunnga oqaaseqaatissaqanngilagut"

2. 26.4.19 - Angallanermut, Sanaartornermut Ineqarnermullu Aqutsisoqarfik

"Angallanermut, Sanaartornermut Ineqarnermullu Aqutsisoqarfimmit *Kommunimut pilersaarummut ilassutissatut siunnersuut*

nr. 3 2017-28-mi Kommunimut Pilersaarummut atasoq – Nanortalimmi anorisaateqarfimmut tunngasoq tiguarpur,

taanna maajip 10-annut 2019 kililimmik tusarniaassutigineqarpoq.

Angallanermut, Sanaartornermut Ineqarnermullu Aqutsisoqarfimmiit paasivarput anorisaatit siunnersuutigineqartut nunamiit 99,70 meterinik portussusilerlugit Nanortalillu qulimiguulinnut mittarfianiit 500 meterit missaannik ungasissusilerlugit napparniarneqartut. Nanortalimmi qulimiguullit mittarfianut akornusersuiffigeqqusaanngitsup avataaniikkaluartoq taamaattoq 1000 meterinik qaninnerupput. Taamaammat Angallanermut, Sanaartornermut Ineqarnermullu Aqutsisoqarfimmiit ilisimaqquneqarpoq Nanortalimmi qulimiguullit mittarfiani unukkut sillimanissaq eqqarsaatigalugu anorisaatit qullileqquneqarnissaat ilimanartoq. Tusarniaanerum akissut taanna Nanortalimmi qulimiguulinnut mittarfeqarnissamik akuersissutilimmumittarfeqarfinnut nassiunneqarpoq.

3. 26.4.19 - Attaveqaateqarnermut immikkoortortaq:

"Ineqarnermut Attaveqaateqarnermullu Naalackersuisoqarfik tusarniaanerum qujavoq, tamatumalu saniatigut oqaaseqaatissaqarani".

4. 6.5.19 - Mittarfeqarfii:

"Angallanermut aqutsisoqarfimmit akissuteqaat taperserparput".

Maajip 6-anni Kommune Kujalleq Nukissiorfinnik peqateqarluni Nanortalimmi innuttaasunik ataatsimiititsivoq.

Anorisaatit atorffissaat, ulluinnarni ingerlatsineq aammalu illoqarfimmut sunniutissaat pillugit innuttaasut soqutiginnilluarlutik amerlaqisunik apeqquteqartarput. Nipiliorneri, tarraqarneri, akisutsitsineri timmissanullu sunniutaat pillugit apeqquteqartoqaqattaarpoq. Sammisat tamakku teknikkikkut nassuiarneqarput oqaluserineqarlutillu. Innuttaasunik ataatsimiititsineri anorisaatit isorineqanngillat akerrilorsorneqaratilluunniit.

Piujuartitsineq:

Pilersaarut naammassineqarpat kommunip piujuartitsiviunissaanik anguniakkanut takorluukkanullu kommune assorsuaq suleqataassaaq. Kalaallit Nunaanni siusinnerusukkat taama angitigisunik anorisaasiortoqarsimanngilaq. Ullumikkut anorisaatit nukissiuinngorsimapput allanut unammillersinnaasut nukimmik ataavartumik peqarfiusut, ikummatissanik atortoqarluni nukissiornermut ilaanakuugaluamik taartaasinnaasut. Tassalu Nanortalimmi massakut nukimmik atuinerup annersaa

Imaqarniliaq
Kommunalbestyrelse – ileqquusumik ataatsimiinneq 03/2019

siunissami anorip nukinganik taarserneqarsinnaavoq innuttaasunut innaallagissamut kiassarnermul-
lu aningaasartuutitigut assut ileqqaarutaasumik.

Aningaasaqarnikkut sulisoqarnikkullu naliliinerit

Pilersaarummut siunnersuut Kommune Kujallermut toqqaannartumik aningaasatigut kinguneqara-
nilu allaffissornikkut killilimmik nassataqarpoq. Nukissiorfiit marluk pilersaarusionerinit nappar-
nerinullu aningaasartuutit Nukissiorfiit kisiisa isumagisasaraat.

Allaffeqarfiup naliliinera:

Allaffeqarfiup naliliinera naapertorlugu Nanortalimmi ineriartorerup ingerlaqqinnissaanut toq-
qammaviliisuulluarpoq ilapittuutaallunilu. Tamatuma saniatigut nukissiutit piujuaannartitsiviusut
pissarsiarineqariaanaasullu atorluarneqarnissaannut pilersaarut iluaqutaassaaq.

Inassuteqaat

Allaffeqarfimmiit inassutigineqarpoq "Nanortalimmi anorisaatit pillugit kommunimut pilersaarum-
mut ilassut nr. 3" Aningaasaqarnermut Ataatsimiititaliamit kingornalu Kommunalbestyrelsimit
inaarutaasumik akuersissutigineqassasoq kingornalu ilassut tamanut nalunaarutigineqassasoq.

Aalajangiineq:

Ilanngussaq:

Ilanngussaq 1: "Nanortalimmi anorisaatit pillugit kommunimut pilersaarummut ilassut nr. 3"

Inatsisitigut tunngavik:

[Pilersaarusioneq aamma nunaminertat atorneqartarnerat pillugit Inatsisartut inatsisaatnr. 17, 17.
november 2010-imeersumi § 24](#)

Aningaasaqarneq:

Kommunip aningaasaqarneranut attuumassuteqanngilaq.

Allaffeqarfiup inassutigaa: pilersaarummut ilassutip akuerineqarsinnaanera akuerineqarsinnaan-
nginneraluunniit pillugu aningaasaqarnermut ataatsimiititaliamut kommunalbestyrelsimullu inas-
suteqaasiornissaq siunertaralugu tusarniaanermi akissutit oqaluuserineqassasut.

Ilanngussat: 1) Tusarniaanermi tigusat allattorsimaffiat
2) Tusarniaanermi akissutit atsionernillu katersineq

APA 07/2019 aalajangiineq: Pilersaarusionerimut ilassutip akuerineqarnissaa kaammattuutigalugu
kommunalbestyrelsimut ingerlateqqinneqassaaq

Aalajangiineq: Akuersissutigineqarpoq.

**IMM. 18 NAMMINERSORLUTIK OQARTUSSAT KIISALU KOMMUNE KUJALLIUP
QALLUNAATSIAT PILLUGIT SAQQUMMERSITSIVIK PILLUGU ISUMAQATIGIIS-
SUTAAT NORDBOPORT**

Qallunaatsiaat pillugit saqqummersitsiviup pilersinneqarnissaa siunertaralugu Namminersorlutik Oqartussat kommunillu suleqatigiinnissaannik isumaqatigiissummut missingiut Namminersorlutik Oqartussat suleqatigalugit suliarineqarpoq. Isumaqatigiissutikkut siunertaasoq tassaavoq suliffeqarfiup imminut pigisup Greenland Visitor Centerip ataani Kommune Kujallermi tikeraanut ornittagaliortoqassasoq.

Missingiut ilanngussamiippoq.

Inatsisitigut tunngavik: Kommunimut piginnaatitsissut kiisalu Tikeraat ornittagaannik takornariartitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28. november 2016-imeersoq

Aningaasartai: Namminersorlutik Oqartussat kiisalu Kommune Kujalleq pilersitsinermut 15 mio. kr.-inik aammalu 8 mio. kr.-inik aningaasaliissapput, kiisalu avataniit aningaasaliisussarsiortoqarsinnaassalluni.

Pisortaanerit inassuteqaataat: Akuerineqassasoq inassutigineqarpoq.

Inaarutaasumik akuerisassanngorlugu kommunalbestyrelsimut ingerlateqqinneqarnissaa tamanit akuerineqarpoq.

Aalajangerneq: Akuerineqarpoq, tamatumanilu kommunip akileeqqataassutissai 8 mio. 2021-mi sanaartornermut missingersuutitut ilanngunneqassapput, kiisalu 2020-mut missingersuutitut sanaartorerup pilersaarusiornissaanut aningaasaliisutit ilanngunneqassallutik. Mittarfimmumut aqqusernup qaavani Inuit Ataqtigiit inissinneqarnissartik kissaatigaat. Inissinissaq kingusinnerusukkut aalajangiiffigineqarumaarpoq.

IMM. 19. SULISUNUT PEQQISSUTSIMUT SILLIMMASIINEQ

Kommune Kujalliup sillimmasiisarfia aqqutigalugu kommunip sulisuinut peqqissutsimut sillimmasiisarnissamut periarfissat misissorpai.

Sillimmasiisarfik IF kommunip januaarip aallaqqaataa 2019 aallarnerfigalugu ukiuni tallimani isumaqatigiisiorfigisimasaa, sillimmasiinernik assigiinngitsunik aaqquissuusaqarnerminik saqqummiivoq. Saqqummiussaq ilanngunneqarpoq.

Maajip 13-ianni Aningaasaqarnermut Ataatsimiititaliami ataatsimiittoqarmat kommunip sulisuinut peqqissutsimut sillimmasiisarnissamut periarfissat eqqartorneqarput. Ilaasortat tamarmik tamanna isumaqataaffigaat suliarlu taparserneqassaaq. Ataatsimiititaliilli kissaatigaa sulisut namminneq arlaatigut akiliuteqartassat.

Inaarutaasumik neqeroorummik, matussusiisarnissamut aalajangiinermik, namminerlu akiliuteqarnermut il. il. siunertaqarluni sillimmasiisarfiup attaveqatiginera nangittumik ingerlaannassoq pisortaqarfiup innersuussutigaa, kiisalu Aningaasaqarnermut Ataatsimiititaliap sillimmasiisarfik isumaqatigiisiorfiginissaanut piginnaatinneqarluni.

Inatsisitigut tunngavigisaq: Kommunip piginnaatsitsinera

Aningaasaqarneq: Sillimmasiisarfiup nangittumik attaveqatiginera namminerlu akiliutigisassat qanoq annertutigissanersut apeqqutaapput.

Pisortaanerit inassutaat: Sillimmasiisarfik peqatigalugu isumaqatiginninniarnaq nangittumik ingerlassasoq, Aningaasaqarnermullu Ataatsimiititaliap sillimmasiisarfik isumaqatigiissuteqarfiginissaanut piginnaatinneqarpoq.

Aalajangerneq: Pisortaanerit inassuteqaataat akuerineqarpoq.

IMM. 20. NANORTALIMMI ILLORSUAQ EQQAGASSALERIVIK

Nanortalimmi eqqagassaleriviup suliariumannittussarsiorneqarnerani angusat pillugit inassuteqaammik Teknikkeqarfik siunnersuisarfimmiit tigusaqarpoq.

Sanaartornissaq 2018-imi sanaartornissamut missingersuutini ilaagaluarpoq kisianni ukioq manna sananeqarnissaanut nuunneqarluni, taamaallaat suliap pilersarusiornera kiisalu siunissami sumiiffissaata assannera minillugit, taakku katillugit 1.042.430,00 koruuninik naleqarput.

Suliariumannittussarsiornerata inernerata 7.164.600 koruuniupput taakkunanilu Namminersorlutik Oqartussanit katillugit 2.103.000 koruunit utertinneqarnissaat qinnutigineqarsinnaassallutik. Ilassutitut aningaasaliissutinik 7.164.600 koruuninik suliap naammassinissaanut qinnuteqartoqassaaq. Ilassutitut aningaasaliissutit ima agguataarneqassapput:

72-17-10-50-01	Nanortalimmi eqqagassalerivik	Kr. 7.164.600,00
72-17-10-82-01	Namminersorlutik Oqartussanit utertitat	kr. -
2.103.000,00		

Inatsisitigut tunngavik: Kommunip piginnaatitsinera

Aningaasartai: Aningaasartai suliami nassuiarneqartutut ippat.

Ingerlatsiviup inassuteqaataa:

Teknikkimut Avatangiisinullu Ataatsimiititaliap siulittaasua siulittaasutut aalajangiissasoq kiisalu Aningaasaqarnermut Pilersarusiortarnermullu Ataatsimiititaliap siulittaasua siulittaasutut aalajangiissasoq akuerineqarnissaanillu Kommunalbestyrelsimut kaammattuuteqassalluni.

Teknikkeqarnermut Ataatsimiititaliami siulittaasup borgmesterillu Aningaasaqarnermut Ataatsimiititaliami siulittaasutut akuerineqarnissaanut inassuteqaateqarput.

Pisortaanerit inassuteqaataat: Teknikkimut Ataatsimiititaliap inassuteqaataa akuerineqassasoq.

Aalajangiineq: Akuersissutigineqarpoq.

IMM. 21: SULIFFEQARNERMUT INUUSSUTISSARSIORNERMULLU ATAATSIMIITITALIAMIT ILASSUTITUT ANINGAASALIISSUTINIK QINNUTEQAAT

Suliffeqarnermut Inuussutissarsiornermullu Ataatsimiititaliap maajip 21-anni ileqquusumik ataatsimiinnerani 200.000 koruunit nalinginik ilassutitut aningaasaliissutinik qinnuteqarpoq Qinnuteqaat massakkuugallartoq qallutaatuinnaq allaqqavoq, akkiunneqavoq.

Inatsisitigut tunngavigisaq: Kommunip piginnaatitsinera

Aningaasaqarneq: 200.000 koruunit

Pisortaanerit inassuteqaataat: Inuussutissarsiornermi Siunnersuisoqatigiinnut aningaasat immikkoortinneqarsimasut naammanngippata qinnuteqaatip akuerineqarnissaa inassutigineqarpoq.

Aalajangiineq: Akuersissutigineqarpoq.

IMM. 22. TAASARIAQARTUT ALLAT

- BK: Kommunalbestyrelse 2018-imi aalajangerpoq borgmesteriusimasoq Agnethe Nielsen eqqaassutissiarineqassasoq. Suliaq sumut killippa? Eqqaassutissiap juunip 10-anni Narsamut tikinnissaa naatsorsutigineqarpoq.
- KEB: Illoqarfinni innuttaasunut ataatsimiitsitsisoqarmat siunnersuutini oqaaseqaatinillu pappiliani sungaartuaqqani allassimasunik ikkussuisoqarpoq: taakku ataatsimiititaliani susassaarfiusuni kommunalbestyrelsimilu suliarineqassappat? KPI: taakku najukkami ataatsimiititaliamut tunniussuunneqarput, taakkunanilu timitalerneqarsinnaasut timitalerneqarumaarput allallu ataatsimiititalianut susassaarfiusunut suliareqqitassanngorlugit ingerlateqqinneqarumaarput.
- NL: Tusaamanarpoq Royal Greenlandip Aappilattumi fabrikkim matuniaraa? Kommune tamanna pillugu tusagaqarnikuunngilaq, ataatsimiititaliami siulittaasup tamanna misissussavaa.
- NL: Kujataani Illuutit naatsorsuutaat? Kukkunersuiisartut sap. ak. aggersumi ataatsimeeqatigineqassapput, tassani naatsorsuutit saqqummiunneqarsinnaassapput. Imm. 13-imi (naatsorsuutit) taaneqartut ukiumut naatsorsuutini aaqqissugassaqarpoq, kisianni inatsisit malillugit juunip naannginnerani naatsorsuutit naammassereersimassapput.
- OMM: Kuussuannguani illuaqqat inatsisinik unioqqutitsissutaasut pillugit suliaq sumut killippa? JP: illuaraatik kommunilu illuaqqat inerteqqutaajunnaarnissaat pillugit atveqatigiipput.
- OMM: ikuallaavimmuut tunngatillugu suliaq sumut killippa? Eqqaavinnik ingerlatseqatigiiffimmik ataatsimoorussamik pilersitsisoqarpoq tamannalu peqqutigalugu ukiuni aggersuni eqqagassalerinermi allannguuteqartoqangaatsiassaaq. OMM: Eqqaavissuarniit putsunik akornusiinerit qanoq annikillisarneqarsinnaappat? JP: tamanna immikkut isiginiarneqartorujussuuvoq, aamma ikuallaavinni aalajangersimasumik kissassuseqartumik ikuallaasoqartarpoq putsumik akornusiinerit annikillisarlarlugit.
- OMM: Inuussutissarsiornermi Siunnersuisoqatigiit aallartisarnerat? KPI: Inuussutissarsiornermut Siunnersuisoqatigiit pilersinnissaannut annertuumik suliniuteqarfigineqarpoq, ilaatigut Nanortalimmiit, Narsamiit aammalu nunaqarfinniit/Narsarsuarmit ilaasortaqaarnis-saq suliniutaavoq, kingornalu Inuussutissarsiuutitigut Ineriartortitsinissamut Ingerlatsivimmik pilersitsinissaq aamma anguniagaalluni.
- HB: Kulturikkut kinaassuserput pissatsisarniarlugu suliniutit ass. Majoriami pilinermik amernillu suliaqarnernik ilitsersuineq.
- AH: Royal Greenland Aappilattoq: matunissaanut pilersaaruteqartoqaavinnngilaq, maskinanik suliaqarnerit assigiinnngitsullu nutaaliannngorlugit suliarineqarput.

Ataatsimiinneq naavoq: 13.22.

Imaqarniliaq
Kommunalbestyrelse – ileqquusumik ataatsimiinneq 03/2019

Kiista P. Isaksen

Mari S. Abelsen

Karla Egede Bisgaard

Monica Dorph

Simon Simonsen

Benjamin Kielsen

Annasse Kleist Karolussen

Josef Petersen

Manasse Semsen

Bentiarq Ottosen

Didda Isaksen

Naja Lund

Asmus Hansen

Henrik Brummerstedt

Ole Mølgaard-Motzfeldt

Penneo

Underskrifterne i dette dokument er juridisk bindende. Dokumentet er underskrevet via Penneo™ sikker digital underskrift. Underskrivernes identiteter er blevet registreret, og informationerne er listet herunder.

“Med min underskrift bekræfter jeg indholdet og alle datoer i dette dokument.”

Annassi Ottórák Marius Kleist-Karolussen

Bestyrelsesmedlem

Serienummer: PID:9208-2002-2-671127427596

IP: 194.177.xxx.xxx

2019-06-11 13:42:35Z

NEM ID 

Benjamin Adolf Bjørn Kielsen

Bestyrelsesmedlem

Serienummer: PID:9208-2002-2-057165155547

IP: 178.170.xxx.xxx

2019-06-11 14:18:42Z

NEM ID 

Bentiarq Sem Arne Joelsen Ottosen

Bestyrelsesmedlem

Serienummer: PID:9208-2002-2-720620378762

IP: 178.170.xxx.xxx

2019-06-14 18:36:50Z

NEM ID 


Karla Mine Bisgaard

Bestyrelsesmedlem

Serienummer: PID:9208-2002-2-924929064147

IP: 194.177.xxx.xxx

2019-06-18 13:45:45Z

NEM ID 

Naja Dolфина Lund

Bestyrelsesmedlem

Serienummer: PID:9208-2002-2-316414667426

IP: 178.170.xxx.xxx

2019-06-19 10:10:54Z

NEM ID 

Mari Matarak Henrikke Abelsen

Bestyrelsesmedlem

Serienummer: PID:9208-2002-2-181488916797

IP: 194.177.xxx.xxx

2019-06-19 14:12:31Z

NEM ID 

Josef Emanuel Erik Petersen

Bestyrelsesmedlem

Serienummer: PID:9208-2002-2-941106936760

IP: 178.170.xxx.xxx

2019-06-20 13:39:47Z

NEM ID 

Monica Dorthea Dorph

Bestyrelsesmedlem

Serienummer: PID:9208-2002-2-496333635670

IP: 178.170.xxx.xxx

2019-06-25 15:29:48Z

NEM ID 

Dette dokument er underskrevet digitalt via **Penneo.com**. Signeringsbeviserne i dokumentet er sikret og valideret ved anvendelse af den matematiske hashværdi af det originale dokument. Dokumentet er låst for ændringer og tidsstemplet med et certifikat fra en betroet tredjepart. Alle kryptografiske signeringsbeviser er indlejret i denne PDF, i tilfælde af de skal anvendes til validering i fremtiden.

Sådan kan du sikre, at dokumentet er originalt

Dette dokument er beskyttet med et Adobe CDS certifikat. Når du åbner dokumentet

i Adobe Reader, kan du se, at dokumentet er certificeret af **Penneo e-signature service** <penneo@penneo.com>. Dette er din garanti for, at indholdet af dokumentet er uændret.

Du har mulighed for at efterprøve de kryptografiske signeringsbeviser indlejret i dokumentet ved at anvende Penneos validator på følgende websted: <https://penneo.com/validate>

PENNEO

Underskrifterne i dette dokument er juridisk bindende. Dokumentet er underskrevet via Penneo™ sikker digital underskrift. Underskrivernes identiteter er blevet registreret, og informationerne er listet herunder.

“Med min underskrift bekræfter jeg indholdet og alle datoer i dette dokument.”

Kista Mitdlaraq Isaksen

Bestyrelsesformand

Serienummer: PID:9208-2002-2-857479660189

IP: 178.170.xxx.xxx

2019-07-02 13:59:57Z

NEM ID 

Karl Aron Kristoffer Simon Simonsen

Bestyrelsesmedlem

Serienummer: PID:9208-2002-2-959198543860

IP: 178.170.xxx.xxx

2019-07-02 19:54:04Z

NEM ID 

Manasse Semsen

Bestyrelsesmedlem

Afventer
underskrift 

Asmus Hansen

Bestyrelsesmedlem

Afventer
underskrift 

Henrik Brummerstedt

Bestyrelsesmedlem

Afventer
underskrift 

Didda Isaksen

Bestyrelsesmedlem

Afventer
underskrift 

Ole Mølgaard Motzfeldt

Bestyrelsesmedlem

Afventer
underskrift 

Dette dokument er underskrevet digitalt via **Penneo.com**. Signeringsbeviserne i dokumentet er sikret og valideret ved anvendelse af den matematiske hashværdi af det originale dokument. Dokumentet er låst for ændringer og tidsstempelt med et certifikat fra en betroet tredjepart. Alle kryptografiske signeringsbeviser er indlejret i denne PDF, i tilfælde af de skal anvendes til validering i fremtiden.

Sådan kan du sikre, at dokumentet er originalt

Dette dokument er beskyttet med et Adobe CDS certifikat. Når du åbner dokumentet

i Adobe Reader, kan du se, at dokumentet er certificeret af **Penneo e-signature service** <penneo@penneo.com>. Dette er din garanti for, at indholdet af dokumentet er uændret.

Du har mulighed for at efterprøve de kryptografiske signeringsbeviser indlejret i dokumentet ved at anvende Penneos validator på følgende websted: <https://penneo.com/validate>